

G J A L D S K R Á

Rafveitu Ísafjarðar.

I. RAFORKA

1. Ljós.

- 1.1. Um kWst.-mæli á kr. 18.00 hverja kWst.
- 1.2. Um kWst.-mæli á kr. 9.00 hverja kWst. auk fastagjalds er nemi kr. 58.00 m² á ári. í rúmi því sem lýsa skal. Fullt fermetragjald skal greiða af gólfleti í verslunum, vinnustofum og skrifstofum, en fyrir ganga og geymslur kr. 30.00 m².

2. Almenn heimilisnotkun.

- 2.1. Um kWst.-mæli kr. 4.40 á hverja kWst. auk fastagjalds er nemi kr. 34.00 á mánn. á hverju íbúðarherbergi. Mælaleiga af einum mæli falli niður. Í útreikningi á fjölda herbergja skal telja öll íbúðarherbergi og eldhús, en ekki ganga, baðherbergi, þvottahús og geymslur. Herbergi sem er minna en 7 ferm. skal telja sem hálf, þó þannig, að ekki skal greiða fastagjald af herbergjum, sem eru minni en 5 ferm. Herbergi, sem eru stærri en 25 ferm., skal telja sem tvö.

3. Vélanotkun.

- 3.1. Um kWst.-mæli á kr. 9.00 hverja kWst.
- 3.2. Um afl- og orkumæla þannig reiknað:
Aflgjald af notuðu afli kr. 4 580.00 kW/ári. Orkugjald af allri notkun á kr. 1.45 hverja kWst. Notað afl hvers almaansárs telst vera meðaltal fjögurra hæstu álestra, en álestrar fari fram með jöfnu millibili, en þó eigi skemur en eins mánaðar. Aflnotkun mælist sem meðaláglag yfir stundarfjórðung. Minnsta aflgjald skal vera kr. 15.000.00 á ári. Eftir þessum gjaldskrárlíð má selja raforkunotkun atvinnufyrirtækja, sjúkrahúsa, heimavistarskóla, og annarra slíkra stofnana, gegn greiðslu fastagjalds af ljósanotkun.

4. Hitun.

- 4.1. Til gisti- og veitingahúsa, sjúkrahúsa, heimavistarskóla og annarra slíkra staða má selja raforku til suðu og hitunar um sérmæli á kr. 4.40 hverja kWst., enda séu suðu- og hitatæki fasttengd.
- 4.2. Til bakarofna í brauðgerðarhúsum á kr. 1.45 hverja kWst. á tímanum frá kl. 22—10, á kr. 4.40 hverja kWst. á tímanum kl. 19—22, enda sé straumurinn rofinn í fjórar stundir á mesta álagstíma rafveitunnar, þó eigi lengur en tvær stundir í senn, og notendur kosti uppsetningu tvígjaldsmæla.
- 4.3. Til húshitunar um kWst.-mæli á kr. 1.35 hverja kWst., enda sé straumurinn rofinn tvisvar í eina og hálfra stund á mesta annatíma rafveitunnar.
- 4.4. Sumarhitun. Um kWst.-mæli á kr. 1.00 hverja kWst. samkvæmt skilyrðum er rafveitan setur.

5. Önnur notkun.

- 5.1. Til götu- og hafnarljósa um kWst.-mæli á kr. 3.75 hverja kWst.
- 5.2. Til nota við vinnulagnir við byggingu, meðan á byggingu stendur um kWst.-mæli á kr. 9.00 hverja kWst.
- 5.3. Til súgþurrkunar um kWst.-mæli á kr. 2.50 hverja kWst.
- 5.4. Alla raforkunotkun, sem ótalin er, og ekki kemst undir aðra líði þessarar gjaldskrár, skal selja eftir gjaldskrárlíð 1.1.

- 5.5. Ofangreint raforkuverð er miðað við að raunstuðullinn sé ekki lægri en 0.8. Verði raunstuðullinn lægri er heimilt að miða raforkuverðið við kVA og kVAst. í stað kW og kWst.
Lágmarksnotkun um hverja heimitaug skal vera kr. 1 600.00 á ári.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverja veitu og sú ákvörðun er skuldbindandi fyrir notanda, sem skal greiða leigu af mælitækjum sem hér segir:

1. Af einfasa kWst.-mælum	kr. 30.00 á mán.
2. Af þrífasa kWst.-mælum 100 A og minni	— 82.00 — —
3. Af mestaafismælum 100 A og minni	— 200.00 — —
4. Af mestaafismælum stærri en 100 A	— 250.00 — —
5. Af skiptiklukkum	— 38.00 — —
6. Af ljósnæmirofum	— 150.00 — —

Af öðrum mælitækjum en þeim, sem hér eru nefnd, skal ársleiga vera sem næst 20% af verði mælitækjanna. Leigan skal innheimt um leið og gjöld fyrir raforku.

III. HEIMTAUGARGJÖLD

Heimitaugargjald skal greitt samkvæmt eftirfarandi töflu:

Fari lengd jarðstrengsheimitaugar fram úr 15 metrum eða loftlínuheimtaugar fram úr 40 metrum skal greitt yfirlengdargjald eins og taflan sýnir:

Málstraumur stofnvara	Heimitaug kr.	Yfirlengd kr./m
60 A 3-fasa	15 250.00	810.00
100 A —	22 170.00	950.00
125 A —	27 720.00	1 080.00
200 A —	44 100.00	1 350.00
350 A —	77 600.00	1 870.00

Fyrir heimitaug með flutningsgetu 150 kVA, (hér kann að þurfa spennistöð) skal greitt heimitaugargjald er nemi kr. 400.00 á hvert kVA. Skal þá aflið miðað við 350 amp. samkvæmt töflu. Lengd jarðlínuheimtaugar 60—200 amp. reiknast frá varkassa, stystu greiðfæra leið að lóðamörkum. Yfirlengd reiknast ekki af vegalengd sem er umfram 100 m frá varkassa. Þurfi að leggja jarðlínuheimtaug út frá loftlínu, skal lengd heimitaugar reiknuð jöfn lengd jarðstrengs frá varkassa að loftlínustólpa. Þveri jarðlínuheimtaug akbraut skal breidd akbrautar ekki reiknuð með.

Lengd loftlínuheimtaugar 60—100 amp. reiknast frá næsta stólpa í næstu endalínu við götu stystu greiðfæra leið að varkassa. Þurfi að setja stólpa fyrir heimitaug nær húsi en 40 m, svo hún nái löglegri hæð, skal greitt umframgjald kr. 4 800.00 fyrir stólpann.

Sé nauðsynlegt að setja upp spennistöð vegna ákveðins notanda, og hún að mestu leyti notuð í hans þágu, skal notandanum skylt að leggja til lóð undir stöðina, rafveitunni að kostnaðarlausu, og skal hann í öllu líta skilmálum rafveitunnar um stærð lóðarinnar og staðsetningu stöðvarinnar. Sé lögð bráðabirgðaheimtaug í vinnuskúr eða hús í byggingu, skal greitt fyrir hana sem hér segir:

60 amper 3-fasa	kr. 4 000.00
-----------------------	--------------

Óski húsegandi eftir að heimitaug verði breytt úr 1-fasa heimitaug, eða flutningsgeta jarðstrengsheimitaugar verði aukin, skal hann greiða fyrir breytingu skv. kostnaði, þó aldrei minna en mismun á heimitaugargjaldi samkvæmt gjaldskrá.

Gjaldskrá þessi gildir í skipulögðum hverfum innan lögsagnarumdæmis Ísafjarðarkaupstaðar. Sé um óskipulagt svæði að ræða eða aðstæður óvenjulegar er heimilt að krefjast sérstaks aukagjalds af húseiganda eða gera honum að greiða heimtaugina skv. kostnaði en gera skal honum aðvart um það fyrirfram.

Purfi að breyta loftlínuheimtaug í jarðstrengsheimtaug vegna breytinga á stofnlínu í götu, skal húseigandi greiða $\frac{1}{3}$ hluta heimtaugargjalda samkvæmt gjaldskrá.

IV. OPNUNARGJALD

1. Hafi verið lokað fyrir veitu vegna vanskila á gjöldum rafveitunnar er óheimilt að opna fyrir aftur fyrr en notandi hefur greitt áfallin gjöld og kr. 400.00 í opnunargjald í skrifstofu rafveitunnar.
2. Ef fundin eru óleyfileg eða of stór vör við skoðun, skal veitunni lokað tafarlaust. Er óheimilt að opna aftur fyrr en notandi hefur greitt kr. 200.00 í skrifstofu rafveitunnar.

V. ÝMIS ÁKVÆÐI

Hækki innkaupsverð á raforku er rafveitustjórn heimilt að hækka raforkureikninga um 30% af þeirri hækkun. Fyrir hver 5% sem kaupgjald hjá Rafveitu Ísafjarðar hækkar eða lækkar, hvort heldur er sökum breytinga grunnkaups eða kaupgjaldsvísitölu frá og með 1. júní 1974 er rafveitustjórn heimilt að hækka eða lækka gjaldskrá um 2%. Ef fyrirsjáanlegt er að dómi rafveitustjóra, að örðugleikar verði á rekstri rafveitunnar sakir vatnsskorts, getur rafveitustjórn með samþykki ráðuneytis gert bráðabirgðaráðstafanir, er hún telur heppilegar, til að draga úr orkunotkun á veitusvæðinu meðan á vatnsskorti stendur. Söluskattur svo og gjöld skv. lögum nr. 4/1974 og nr. 5/1974 eru hér innifalín. Undanþegin er sala raforku til húshitunar.

Gjaldskrá þessi staðfestist hér með samkvæmt vatnalögum nr. 15 20. júní 1923 og Orkulögum nr. 58 29. apríl 1967 til að gilda frá og með 15. maí 1974, sbr. heimild í auglýsingu nr. 85 14. maí 1974. Jafnframt er úr gildi felld gjaldskrá sama efnis nr. 231 25. júlí 1973.

Iðnaðarráðuneytið, 4. júní 1974.

Magnús Kjartansson.

Jóhannes Guðfinnsson.

4. júní 1974.

Nr. 177.

AUGLÝSING

um skipulag í Leirár- og Melahreppi, Borgarfjarðarsýslu.

Að fengnum tillögum skipulagsstjórnar ríkisins hefur ráðuneytið, samkvæmt heimild í 4. gr. 2. mgr. skipulagslaga nr. 19 21. maí 1964, ákvæðið, að ákvæði skipulagslaga nr. 19/1964 nái til Leirár- og Melahrepps í Borgarfjarðarsýslu að undanskildum nauðsynlegum byggingaframkvæmdum vegna búrekstrar á lögbýlum.

Þetta er hér með birt til eftirbreytni öllum þeim, sem hlut eiga að máli.

Félagsmálaráðuneytið, 4. júní 1974.

F. h. r.

Hallgrímur Dalberg.

Guðmundur Karl Jónsson.